



**Quæstionum Canonicarum, In Quinque Libros
Decretalium, Tomus ...**

In Librum I. Decretalium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus III. De ætate jure requisita ad suscipiendos Ordines.

[urn:nbn:de:hbz:466:1-73031](#)

neminem etiam deinceps ad dignitatem, *Canonicatum*, aut portionem recipient, nisi, qui eo ordine sacro, aut sit initiatus, quem illa dignitas, præbenda, aut portio requirit; aut in tali ætate, ut infra tempus à jure, & ab hac sancta Synodo statutum, initiari valeat: in *Collegiata* verò, & cæteris inferioribus, requiri annum 14. saltem incepsum, *Trid. sess. 23.c. 8. de refor.* & c. *super inordinata, de præbend. juncta gloss. V. pueri*, nisi ex fundatione aliter cautum sit, cui Concilium non derogavit; sic declarationes in *Trid. cit. V. nu. 2806*. loquendo autem de qualitate præficiendorum Ecclesijs, notandum, inter qualitates in præficiendo Ecclesijs requiri. 1. quod sit dignus; 2. habilis; 3. aptus ad residendum in loco, si residentiam exigat, c. *quia nonnulli, de Cleric. non resid.* & ad exercendam curam sui muneric per se ipsum, c. *grave nimis, de præbend. c. licet Canon, de elect. in 6. Trid. sess. 7. c. 3. de reform.* 4. ut habeat scientiam muneri suo necessariam; 5. sit legitimus, vel in re, vel fictione juris per subsequens matrimoniū, ut notat Barbosa in c. 1. *Trid. sess. de reform. de quibus constat ex iuribus jam allatis.*

ARTICULUS II.

De ordine præficiendorum Ecclesijs.

2200.

Quæstio est 1. quis ordo requiratur in præficiendo beneficio simplici? Resp. non requiri etiam minores Ordines; sed sufficere primam tonsuram, nisi aliud exigat consuetudo, statutum, vel fundatio talis Ecclesiæ. Nam, cum quædam beneficia sint Sacerdotalia, quædam diaconalia, alia subdiaconalia; is ordo requiritur, quem in obtinente beneficium exigit; vel saltem capacitas, ut illum recipere possit intra annum à die pacificæ possessionis, c. *licet Canon, c. Commissa, de elect. in 6. Trid. sess. 12. c. 4. & sess. 24.c. 12.*

2201.

Quæstio est 2. qualis Ordo prærequiratur in præficiendo beneficio *Parochiali*? Resp. quod saltem subdiaconatus; quamvis illud Episcopus conferre possit Clerico in minoribus, modò alias sit idoneus, & intra breve tempus ordinari possit in presbyterum, c. *præterea h. t.* Idem requiritur ad dignitates curatas, nimurum capacitas

proxima suscipiendi presbyterium intra annum, c. *cum in cunctis, de elect. si vero non habeant annexam curam animarum, sufficiunt 22 anni; Pirhing. hic nu. 38.*

Præter hæc not. in promovendo ad dignitates, quibus cura animarum, vel jurisdictio fori externi, annexa est, requiri, ut, si presbyter non sit, fiat; ad Abbatiam, Præposituram, & Decanatum, presbyterium actu, vel aptitudine proxima; quamvis, ob necessitatem Ecclesiæ, in Abbatem etiam dispensativè eligi possit constitutus in minoribus, etiam irregularis, c. *Tuam b. t. ad Archipresbyteratum, & Archidiaconatum, ut sit Diaconus; V. infra nu. 2803.*

Quæstio est 3. quis ordo requiratur in eligendo ad *Episcopatum*? Resp. requiri de jure saltem subdiaconatum, c. *à multis, 9. h. t. & saltem sex mensibus priùs, Trid. sess. 22. c. 2. de reform.* Not præterea, quemlibet acceptantem beneficium, debere esse actu Clericum; nec in hoc casu cingendum haberi pro accincto; ita Vallensis *b. t. nu. 5. & 3.*

ARTICULUS III.

De ætate jure requisita ad suscipiendos Ordines.

Resp. breviter, ad *primam tonsuram*, & minores Ordines, sufficere ætatem, quæ idonea videbitur Episcopo, ut iniuniat *Trid. infra citandum*; ad acquirendum *Subdiaconatum* in recipiente requiri ætatem 22. annorum; ad *Diaconatum* 23. ad *Presbyterium* 25. sic *Trid. sess. 23. de Reform. c. 12.* sufficit autem, hos annos esse incepitos; Vallensis hic n. 3. §. 4. *Tridentinum loc. cit. sic loquitur: nullus imposterum, ad Subdiaconatus Ordinem ante vigesimum secundum; ad Diaconatus, ante vigesimum tertium: ad Presbyteratus ante vigesimum quintum ætatis suæ annum promoveatur: sciant tamen Episcopi, non singulos, in ea ætate constitutos, debere ad hos Ordines assimi; sed dignos duntaxat, & quorum probata vita, fene-ctus sit: Regulares quoque, nec in minori ætate, nec sine diligentí Episcopi examine, ordinentur: privilegijs quibuscumque, quoad hoc penitus exclusi.*

Not.

1104. Not. autem 1. quod scienter aliquem ordinans, ante etatem legitimam, suspendatur a collatione; ordinatus autem, ab executione Ordinum, dum habeat etatem requisitam, c. *Vel non est compos 14. junct. c. dilectus 15. de Temporib. Ordinat.* Et quamvis Covarruvias in *Clem. se furiosus, de homicidio p. 1. n. 4.* doceat, hunc solum esse suspendendum secundum jus commune; contrarium tamen habetur in Extravag. Pij II. incip. *Cumex sacrorum, apud*

Piascium p. 1. *prax. Episcop. a. 4. n. 2.* Not.
2. Episcopum non posse dispensare in etate, requisita ad dignitates, seu beneficia curata *gloss. in Clem. fin. & c. 1. b. t. in 6. V. non imminet. V. Bartos. in dict. c. 1. & Azor. p. 2. l. 6. c. 5. q. 9.* Ceterum in materia etatis creditur parentibus, vel dicto testium, *L. de etate ff. de Minoribus.*
Rebuff. *in praxi benefic. in literis pri- ma tonsur. n. 13.*
* *

QUÆSTIO XV. IN TIT. XV. DE SACRA UNCTIONE.

1105. **S**acra Unctio hic significat sacri Olei materialem delibutionem, factam secundum formam Ecclesie; Hostiensis hic in *Summa n. 2.* Agitur hic de illa, quia in factis Ordinibus conferendis, de quorum collatione nunc tractamus, usus est sacrae unctionis; Deseelius hic §. 1. Not. autem 1. sacram unctionem, aliam esse exteriorem, eamque materialem, & visibilem, qua visibiliter inungitur corpus; aliam interiorem, quæ sit per gratiam, & ad exhibendam exteriorem unctionem, quæ est signum interioris, benedici, & consecratio Oleum olivarum, quod dicitur *Catechumenorum, & Infirmorum;* si ei jungitur balsamum, vocatur *Chrisma.*

Not. 2. *Episcopos*, dum consecrantur, ungi in capite, & manibus, c. *unic. b. t. Sacerdotes*, simplici Oleo olivarum benedicto, in manibus, glossa c. *præterea dist. 2. 3. omnes Christianos*, dum baptizantur, in scapulis, & pectore, c. *unic.* per frontis Chrismationem, qua intelligitur manus impositio, & alio nomine dicitur *confirmatio* (quam jure ordinario confert solus Episcopus; ex delegatione Papæ, etiam simplex Sacerdos, ut colligitur ex c. 1. dist. 9. 5. & determinatum videtur a Concilio Florentino in decreto Eugenij, §. secundum

Sacramentum) Imperatores autem, & Reges, in brachijs, & humeris *cit. c. unic. §. unde veteri.* Not. 3. sacram unctionem adhiberi præterea in extrema unctione infirmorum, in consecratione altarum, dedicatione Templotum, Benedictione Calicium &c. de quibus alio loco.

Ex his colliges, quod unctio Ecclesie (juxta Sylvestrum V. *Unctio*) sit triplex; una, quæ nec Sacramentum, nec Sacramentale est: quia nec per se gratiam causat, nec ad aliquod Sacramentum perficiendum, vel suscipiendum ordinatur, qualis est unctio Regum; unde ea fieri non debet cum materia consecrata; & multò minus cum chrismate: nec fit in capite, sed in humero, vel armo: Imperatoris unctio habetur in *Clement. de jurejur. cap. unico. §. Editus*: secunda est Sacramentalis, non Sacramentum: quia scilicet ad Sacramentum ordinatur, vel suscipiendum, ut Catechumenorum, vel perficiendum, ut unctio Baptizati in vertice: tertia est Sacramentum per se, & duplex, scilicet chrismatis in fronte per Episcopum; & Olei Sancti per Sacerdotem in extremis. Plura de *Unctione Sacramentali*, tradunt *Theol. morales. V. n. 2808.*

* *

QUÆSTIO XVI. IN TIT. XVI. DE SACRAMENTIS NON ITERANDIS.

1107. **C**um sint quædam Sacraenta, quæ animæ Characterem indelebilem (signum scilicet potestatis aut virtutis ac-

ceptæ in Sacramento) imprimunt; hæc autem iterari non possunt sine sacrilegio; duo præscribuntur hoc titulo; 1. ut, si in

Rt. I.

Ordin.